

REGLUGERÐ BTÍ UM ÍSLANDSMÓT

1. gr. Keppnisflokkar og aðgengi.

BTÍ gengst fyrir Íslandsmóti í borðtennis, Íslandsmóti unglunga og Íslandsmóti öldunga ár hvert. Auglýsa skal keppni í eftirtöldum flokkum og aldursflokkum:

Íslandsmót karla og kvenna:

- Einliðaleikir:
 - Meistaraflokkur karla
 - Meistaraflokkur kvenna
 - 1. flokkur karla
 - 1. flokkur kvenna
 - 2. flokkur karla
 - 2. flokkur kvenna
- Tvíliðaleikur
 - Opinn flokkur karla
 - Opinn flokkur kvenna
- Tvenndarkeppni.
 - Opinn flokkur

Íslandsmót unglunga:

- Einliðaleikir: Drengir (16-18 ára), sveinar (14-15 ára), piltar (12-13 ára), hnokkar (yngri en 11 ára), stúlkur (16-18 ára), meyjar (14-15 ára), telpur (12-13 ára), tátur (yngri en 11 ára).
- Tvíliðaleikir: Drengir (16-18 ára), sveinar (14-15 ára), piltar (13 ára og yngri), stúlkur (16-18 ára), meyjar (14-15 ára) og telpur (13 ára og yngri).
- Tvenndarkeppni 16-18 ára, 14-15 ára og 13 ára og yngri.

Íslandsmót öldunga:

- Einliðaleikur: Öldungar karlar 40-49 ára, 50-59 ára, 60-69 ára og 70 ára og eldri, öldungar konur 40-49 ára, 50-59 ára, 60-69 ára og 70 ára og eldri.
- Tvíliðaleikur: Öldungar karlar 40-49 ára og 50 ára og eldri, öldungar konur 40-49 ára og 50 ára og eldri.
- Tvenndarleikur: Öldungar 40 ára og eldri.

Aldursflokkar á Íslandsmótum eru kynjaskiptir, þ.e. aðeins körlum er heimiluð þátttaka í karlaflokkum og í kvennaflokkum er konum aðeins heimiluð þátttaka.

Lágmarksþátttaka í hverjum aldursflokki eru tveir í einliðaleik og tvö pör í tvíliðaleik og tvenndarleik á Íslandsmóti karla og kvenna, Íslandsmóti unglunga og Íslandsmóti öldunga. Þeir flokkar sem ekki uppfylla þessi skilyrði falla niður og keppendur yngri aldursflokka (21 árs og yngri) flytjast í næsta aldursflokk fyrir ofan en í flokkum öldunga flytjast keppendur í næsta aldursflokk fyrir neðan. Ekki er veittur Íslandsmeistaratitill í flokki sem fellur niður með þessum hætti.

2. gr. Tímasetning Íslandsmótanna.

Íslandsmótin í borðtennis skulu fara fram á tímabilinu febrúar-maí ár hvert. Íslandsmót unglunga og Íslandsmót öldunga skulu fara fram á öðrum tíma en Íslandsmót karla og kvenna.

3. gr. Fyrirkomulag keppni.

Keppni á Íslandsmóti skal þannig háttað að keppni í tvenndarleik ljúki fyrri daginn, en aðrir úrslitaleikir verði í röð síðari daginn. Meistara frá fyrra ári skal raða fyrst.

Lög og reglugerðir BTÍ

Í öllum flokkum á Íslandsmótum skal raða að lágmarki fjórum keppendum, jafnvel þótt keppendur séu færri en 12.

4. gr. Röðun í keppni á Íslandsmótum og með hvaða hætti leikið er..

Í meistaraflokki karla og kvenna skulu leiknar 4-7 lotur. Í öllum öðrum flokkum skulu leiknar 3-5 lotur.

Íslandsmeistara frá fyrra ári skal raða fyrst. Síðan skal farið eftir styrkleikalista. Í öllum flokkum á Íslandsmótum skal raða að lágmarki fjórum keppendum, jafnvel þótt keppendur séu færri en 12.

Keppni á Íslandsmóti karla og kvenna skal höfð með útsláttarfyrirkomulagi í einliða- og tvíliðaleik og tvenndarkeppni. Á Íslandsmóti unglunga og öldunga skal keppni í einliðaleik fara fram í riðlum, sbr. 5. gr. hér á eftir, en í tvíliðaleik og tvenndarkeppni skal leikið með útsláttarfyrirkomulagi. Þó skal keppni í tvíliðaleik og tvenndarkeppni á Íslandsmóti unglunga og öldunga fara fram í riðlum ef þrjú pör eru skráð í viðkomandi flokki.

5. gr. Fyrirkomulag keppni í einliðaleik á Íslandsmóti unglunga og Íslandsmóti öldunga.

Keppni í einliðaleik á Íslandsmóti unglunga og Íslandsmóti öldunga fer fram í tveimur stigum. Í fyrsta stigi er keppt í riðlum, fjöldi riðla fer eftir þátttöku í flokknum t.d.

- 2-6 allir við alla, 1 riðill.
- 7-11 allir við alla, 2 riðlar.
- 12-16 allir við alla, 4 riðlar, 3-4 í riðli.
- 17 og fleiri allir við alla, 4-5 í riðli.

Annað stig, útsláttarkeppni. Þar er keppt til úrslita en á mismunandi hátt eftir þátttöku í hverjum flokki.:

- 2 riðlar. Tveir efstu menn í hvorum riðli leika í kross og sigurvegararnir leika síðan til úrslita.
- 4 riðlar. Tveir efstu menn í hverjum riðli í 8 manna útsláttartöflu. Sigurvegarar raðast í sæti þ.e. í sæti 1,4,5 og 8.

Þeir sem lenda í öðru sæti í riðli fara í andstæðan helming við sigurvegara.

- 5-8 riðlar. Tveir efstu menn í 16 manna útsláttartöflu. Sigurvegurum raðað í sæti.
- 9 riðlar eða fleiri. Tveir efstu menn í 16 manna útsláttartöflu með forleikjum. Sigurvegurum raðað í sæti eftir því sem hægt er.

6. gr. Tilkynning um úrslit til fjölmiðla.

Mótsstjórnir Íslandsmótanna skulu í lok hvers Íslandsmóts skila úrslitum til stjórnar BTÍ. Stjórn BTÍ er skylt að tilkynna öllum íþróttadeildum fjölmiðla úrslit Íslandsmótsins um leið og þau hafa borist frá mótsstjórn.

7. gr. Framkvæmd.

Að öðru leyti gilda hinar almennu reglur um framkvæmd Íslandsmótsins.

8 gr. Gildistaka.

Reglugerð þessi öðlast gildi frá og með 1. febrúar 2009 og falla eldri reglugerðir um Íslandsmót BTÍ þar með úr gildi.

Reglugerð um Íslandsmót er í 8 greinum.

Lög og reglugerðir BTÍ

28.10.2006. Stjórn BTÍ gerði breytingar á aldursskiptingu á Íslandsmóti unglunga á fundi sínum 8. mars 2006. Þannig verði keppt í 16-18 ára aldursflokki í stað 16-17 ára og að við bætist nýr flokkur 19-21 árs. Þessar breytingar verða lagðar fyrir þing BTÍ 22. nóvember 2006 til staðfestingar.

27.10.2016 Stjórn BTÍ gerði breytingar á aldursskiptingu á Íslandsmóti unglunga á fundi sínum 27. október 2016. Þannig verður hætt keppni í 19-21 árs aldursflokki, sbr. breytingu frá 2006, en við bætast flokkar 13 ára og yngri í tvíliðaleik. Þá var bætt inn ákvæði um að tvenndarkeppni skyldi skipt í flokkana 16-18 ára og 15 ára og yngri, líkt og tíðkast hefur í keppni undanfarin ár.

10.09.2017 Stjórn BTÍ bætti tvenndarleik 13 ára og yngri við flokka á Íslandsmóti unglunga – til samræmis við aldursflokka í tvíliðaleik og einnig til samræmis við góða þátttöku í flokki 15 ára og yngri. Niðurlagi 6. greinar var breytt úr „um leið og þau liggja fyrir“ í „um leið og þau hafa borist frá mótstjórn.“